



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illustrissimi Domini Simonis De Fierlant, Hispaniarum Ac
Indiarum Catholico Regi, In Hispania Ac Belgio, A Concilio
Status, Brabantiae Cancellarii, Catholico Ab Affectu
Tractatus, Quo, Clarissime ...**

Fierlant, Simon de

Coloniae Agrippinae

§. 4. Vertitur in Linguam Gallicam.

urn:nbn:de:hbz:466:1-37059

adeò ad examen traxi, & priori meo libello Catholicè castigavi; & quam felici successu, in ipso jam limine te Lector monui.

§. 4.

VERTITVR IN LINGVAM
GALLICAM.

Obstrepebant, scio, Libellis nostris triumphales acclamationes Bajo-Jansenistarum; imo quam ad inconditos clamores soli ipsi non sufficerent, in subsidium nisi mulierculas turpiter advocare placuisset Gabriëliano instinctui. In harum gratiam, nescio quis, ipse fortè Auctor, certè aliquis Bajo-Jansenista secundam hanc & Romanam Editionem Gallico donavit idiomatè; ut patrio loquens sermone liber à pluribus avidius legeretur, tantoque periculosius tanto virus spargeretur, quanto incautiores manus ac molliotes subiret; quamquam jam callum molliusculæ illæ manus obduxisse videri poterant, ut quæ testamento Montensi toties damnato jam dudum sine scrupulo assueverant.

Profecto, si hic Jocari mihi luberet, ad Poëticas fabulas diverterem & librum hunc malè ominatum temulento Deo libero compararem; & habet certè id cum Baccho commune, quod bis uterque genitus, medio semiustulatus ex fulmine, uterque sit raptus; nec deesse possent hic Bacchides, ubi tot mulierculæ libro Gabriëliano quasi
thyso

thyrsos armatae toto passim Belgio insanire, & orgia celebrare visae sunt; at res seria nimis ac luctuosa est, quam ut jocosa patiatur; & jam dudum deflexerunt boni omnes perditam istiusmodi hominum consuetudinem, qua foemineo sexui nimium familiares plures fere discipulas, quam discipulos numerent, quas, qua voce, qua libris, incautas misereque deceptas damnato Bajanismi & Jansenismi spiritu periculosè imbuant. Sunt qui illud commercium, ista cum mulierculis conventicula, & subtiles nimium de abstrusissimis Theologiae mysteriis cum iis colloquutiones suspectas habeant, & ut timidae sunt pie conscientiae, aliquando vereri incipiant, ne dum multa de gratia victrice potenter alliciente, & suaviter necessitante disputant, media interveniat concupiscentia victrix: prohi! quid tunc remedii à Janseniano hoc Magistro expectes? cujus hoc primum pronunciatum est *resisti concupiscentiae victrici non potest, parere necesse est*. Hoc alii; volo ego honestiora cogitare, & ita interpretabor, Magistros novatueres imbecilliora, & quae facilius fallantur, cerebella eligere, in quae virulentas suas opiniones citius diffundant: quamquam dum ita honestiores volo, parum abest quin haereticos faciam: vide quam periculosè navigent, qui satis è Charybdi eripi non possunt, quin ad Scyllam allidantur. Ut ut est, ego ad propositum meum redeo, & libri Gabriëliani historiam perficio.